



Broj: 04-40-1-4/26
Sarajevo, 05.01.2026. godine

Na osnovu dobivenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organiziranju i funkcioniranju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 04.01.2026. do 08:30 sati 05.01.2026. godine

Sve općinske službe civilne zaštite s područja Kantona Sarajevo su odmah po prijemu Upozorenja o obilnim padavinama od Federalnog hidrometeorološkog zavoda i Upozorenja i preporuka za provođenja mjera zaštite i spašavanja uslijed najavljenih ekstremnih velikih padavina Federalne uprave civilne zaštite, stavile svoje organizovane snage zaštite i spašavanja u pripravnost, te se u toku jučerašnjeg dana pratili stanje na području svojih općina i poduzimale mjere i aktivnosti iz svoje nadležnosti.

Prema posljednjim podacima koje je prikupio Kantonalni operativni centar civilne zaštite od općinskih operativnih centara civilne zaštite stanje je slijedeće:

Općina Stari Grad

U toku jučerašnjeg dana općinska služba civilne zaštite je angažovala pripadnike svoje službe formirane u GSS Trebević na asistenciji prevoza jedne starije osobe sa Hrida na lokaciju u Gradu.

Općina Centar

U toku jučerašnjeg dana Općinska služba civilne zaštite je angažovala svoju službu formiranu u DVD Bjelave na uklanjanju oborenog stabla u domu za starije osobe u Nahorevu, kao i slomljenog stabla na Skenderiji, te na postavljanju upozorenja od padanja snijega sa krovova zgrada za građane u ul. Dalmatinska. Uklanjanja oborenih stabala je vršena u saradnji sa ekipom KJKP Park.

Općina Novo Sarajevo

Općinska služba civilne zaštite je angažovala pripadnike svoje službe formirane u DVD Novo Sarajevo na otklanjanju posljedica od snježnih padavina (na uklanjanju snijega sa drveća, uklanjanju polomljenih stabala i vršenja transporta građana sa padinskih dijelova Općine Novo Sarajevo).

Općina Novi Grad

Općinska služba civilne zaštite je u saradnji sa nadležnom općinskom službom za komunalne djelatnosti i sa KJKP Park radila na uklanjanju polomljenih stabala na nekoliko lokacija na području Općine Novi Grad.

Općina Ilidža:

Općinska služba civilne zaštite do sada nije angažovala svoje strukture zaštite i spašavanja na otklanjanju posljedica od snijega iz razloga što te poslove obavljaju nadležne službe za komunalnu djelatnost.

Općina Hadžići:

Općinska služba civilne zaštite je u toku jučerašnjeg dana angažovala pripadnike svoje službe formirane u DVD Tarčin na uklanjanju polomljenih stabala na nekoliko lokacija. Glavne saobraćajnice prema svim mjesnim zajednicama su prohodne. Općinska služba za komunalnu djelatnost je angažovana na čišćenju snijega sa saobraćajnica.

Općina Vogošća:

U saradnji sa KJKP Park je izvršeno uklanjanje jednog polomljenog stabla.

Općina Ilijaš:

Svi putni pravci prema mjesnim zajednicama su prohodni. Općinska služba civilne zaštite je trenutno angažovana na uklanjanju oborenog stabla u Moševićima.

Općina Trnovo:

Općinska služba civilne zaštite do sada nije angažovale svoje struktura na otklanjanju posljedica od snijega (te aktivnosti obavljaju nadležne službe komunalne djelatnosti).

Prema informacijama prikupljenih od općinskih operativnih centara civilne zaštite i nadležnih komunalnih preduzeća, saobraćaj se na području Kantona Sarajevo odvija otežano, posebno u padinskim dijelovima općina.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su šest manjih intervencija i to: jednu na gašenju zapaljenih elektro instalacija i pet tehničkih intervencija (črtiri na uklanjanju stabala sa saobraćajnica i jednu na otvaranju vrata stana).

Općinski operativni centar civilne zaštite Stari Grad: U skladu sa naredbama Štaba civilne zaštite Kantona Sarajevo, Općinski štab civilne zaštite Stari Grad organizovao je 24-satno osmatranje (monitoring) terena na ugroženim područjima od klizišta, lokalitetima Curine njive, Knjeginjac i Bistrički potok (teritorija Općine Stari Grad Sarajevo i Opštine Istočni Stari Grad), te kontinuiranu analizu i procjenu stanja na ugroženom području u cilju osiguranja provođenja pravovremenih mjera zaštite stanovništva (pravovremenog upozoravanja i evakuacije stanovništva, ukoliko to situacija bude zahtijevala) i materijalnih dobara. Uposlenici Službe civilne zaštite Općine Stari Grad Sarajevo, terenskim obilaskom navedenih lokacija dana, 04.01.2026. godine utvrdili su da vizualnim pregledom stanja na klizištu u odnosu

na predhodni dan, radi velike količine snijega koji je obuhvatio prostor lokaliteta Curinih Njiva, Knjeginac i Bistrički potok, nisu u mogućnosti dati preciznije stanje na terenu, odnosno da li je došlo do klizanja tla zemlje i slično. Na igralištu sa gornje strane prisutna je velika količina snijega.

KJKP Rad: Zimska služba je angažovana na čišćenju saobraćajnica I i II prioriteta na području četiri gradskve općine za koje je ovo preduzeće zaduženo. Trenutno su očišćene saobraćajnice I i dijelom II prioriteta. Na terenu je trenutno angažovano 28 specijalizovanih vozila i 110 radnika na ručnom čišćenju snijega. Kada se očiste saobraćajnice I i II prioriteta, pristupit će se na čišćenju saobraćajnica III i IV prioriteta.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila -1°C, vlažnost zraka 99%, barometarski pritisak 932,5 hPa.

BIHAMK: Saobraćaj se na području Kantonu Sarajevo, zbog sniježnih padavina, odvija otežano i usporeno, vozi se po mokrom i klizavom kolovozu.

Prema informacijama prikupljenih od dežurnih dispečera i informativnih službi KJKP GRAS, Centrotrans – Eurolines d.d. i JP Željeznice Federacije BiH, gradski, međugradski i željeznički saobraćaj se odvijaju otežano uslijed snježnih padavina. Trenutno se tramvajski saobraćaj odvija samo na relaciji Bašćaršija-Nedžarići, dok je autobuski i minibuski prevoz prema padinskim dijelovima u prekidu zbog neočišćenih saobraćajnica.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu Štaba CZ Kantona Sarajevo
- Federalnom operativnom centru civilne zaštite
- a/a